

# 徳巢稿

中

和書門			
二六〇九二	六九二	三六	三
號	函	架	冊

内閣文庫			
二六〇九二	三六	三	三
號	冊	架	函

内閣文庫		
番號	和 26092	
冊數	3 ( 2 )	
函號	205	83



仙巢稿卷之中

中

仙巢稿卷之中


淺草文庫

和學講談

小子

玄方

集



偈頌

不慙金色佛陀耶玉骨冰肌却較此強半春寒去來夜

一枝莫敢近丹霞

梅花佛

於對馬西山寺宿蘆翁王席即題

錯喚梅花作佛耶非乾屎橛又非麻江南此物先天地

我獨稱尊是井蛙 代人

咄箇梅花面曰真喚為佛種是何人冰肌浴出銅瓶水

泥視如來淨法身 代人

梅花面曰露堂堂却外春回選佛場體一根同甘蔗氏

暗香浮動法身香 代人

知方室老禪佛誕生韻

天正庚辰在對馬島

淨飯王宮生一兒九龍吐水肯為奇紫金軀灌沐來看  
露重薔薇雨過時

吾佛世尊今誕生難陀吐水浴來清魔軍自是可潛跡  
說破五千餘卷兵和醴泉主翁韻

傳法中峰辭太元扶桑國裏獨稱尊強將此語隱乎尔  
十月桃花咲不言無隱忌

天下禪徒呵佛來六年端坐太遲哉明星未出先成道  
昨夜前村深雪梅和宿盧老禪佛成道韻

下炬拈香

今茲祿子孟秋初五之夕乘新涼移步於村落則牧  
童數輩欲葬一死犢於山後吁朝耘夕耕之功不可

不酬焉仍授法名曰鐵翁唱拙偈踐行色云

今日無端離畜生傍觀漫以鐵翁名猶餘挽著滄江力

以火把打圓相耕破虛空種月明共惟

新亡鐵翁牛上坐曳鋤頭走見鞭影行

瀉山一頭某甲字儼然左刪

少室無角八九年瞎却眼睛

脫繩索而桃林野廣

入畫圖則綠楊陰暗

桓公之在齊也憐甯戚擊用起嘆

巢父之臨潁也嫌許由洗耳污清

北禪烹其白

乙子論且駢

騷人以牡丹呼 玉欄春暮

牧童使杏花指 酒旗風輕

壁嶠遭塗炭直不見跡

吳地喘明月全無借聲

空即是色色即是空 八萬四千妄想頓息

法外無心心外無法 百億毛頭大夢俄驚

到這裏喚作畜生則个字不是喚作佛祖則以字不成

逆行順行 蹈翻鑊湯爐炭

左轉右轉 說甚地獄火坑

一死再活

七縱八橫

與麼行李猶涉途程即今如何超越火焰裏透過涅槃  
城叱自是不歸便得五湖烟景有誰爭

栢岩宗意禪門 下炬

舉火把這一箇化菩薩名号無盡意入山僧手中說無

盡意曰意地生多種之意東來意南來意西來意北

來意喚作江路野梅亦這箇意也呼為庭前之栢亦

這箇意也雪山大沙門始方出母胎周行七步直將

過去百千萬億劫證底第一義諦向諸人淨潔田地

上狼籍殆盡亦這箇意也於是跛脚阿師謂我昔日

在一棒打殺與狗子喫却圖天下太平亦要這箇一

意者也後四十九年三百餘會彼問以意此答以意  
末上又拈一枝花謂吾有正法眼藏涅槃妙心亦這  
箇意也破顏弟子揚家醜於外邊則缺齒老胡載將  
一草蘆葉上來付東震無臂閣梨亦這箇意也尔來  
香巖者擊竹以會靈雲者見桃花領大原者聞角以  
悟洞山者過水以明亦這箇意也且將望生死之根  
塵深輪回之滔穿者皆為不曉這箇意也超涅槃城  
圍登菩提之覺場者祇能達這箇意也加之建立六  
度萬行等羌三乘十地亦這箇意也乃至戒定惠貪  
瞋痴煩惱菩提明暗色空見聞覺知全無不這箇意  
也雖然與麼猶是栢岩宗意禪門識未盡底意也以

是為本意奉火把

無盡意無盡意即今代山僧送

津下句說佛法的大意

七十年間修身意今日俄然虛其意然火堆中試舉看  
威音那畔有何意 吐

松林妙齡禪定尼 下炬

禪本艸中有一粒延齡丹冷笑乾坤之兩餅熟瞞日月  
之双丸大椿得之在莊子園中老夭桃得之向阿母庭  
前蟠得之芳者有秋菊得之秀者有春蘭蓼角得之以  
尖尖荷葉得之以團其類不足算數何盡讚嘆即今  
松林妙齡禪定尼得之男相女相刹那掃絕真諦俗諦  
立地削刊一踢踢翻者菩提煩惱也一拳倒者生死

涅槃也到這裏有什麼妄想可息以滅有什麼淨業可  
修以難明歷々白漫々正與麼時禪定尼舉火把於山  
僧火把頭上變成勝熱波羅門劫火光中立問端諸人  
還看麼延齡妙術百千般更有一方銘我肝点揄將來  
今付汝擲火把火中白藕露漚漚六吐

椿年妙壽禪尼下炬

菩提本無樹舉火把這箇喚作什麼哉以無影為根柢  
以不萌為條枝能攀之者免生死離會親倚之者絕喜  
怒樂哀三世諸佛不得種歷代祖師何用培混沌未分  
以前架作一箇露柱來立地膿胎混沌已分而後產出  
寒流石上松以長陰涼之幹被擇棟梁之材子葉孫枝

葱葱鬱々雨露難濕霜雪豈摧畢竟是什麼山僧若不  
顯露其名舉火把恐是丙丁童子笑哈哈於是著一語  
解渠耘猜去氣轉洪鈞壽域開舉火把八千春自老  
椿回拋火好風此夜俄吹折燒作寒爐一聚灰咄

曲翁性幻居士

古佛遺偈云起諸善法本是幻造諸惡業亦是幻身如  
聚沫心如風幻出無根無實性且道曲翁性幻居士識  
身心脫落善惡不思處麼若又識不得則以火把打圓相  
提持衣鉢擲石上看叫百雜碎神秀鏡咄

一夢芳春童女之掩土

以鐵子擊棺這箇死乎生子不道死不道生倚鐵柄倚柱

思倍惆悵一場春夢不分明 咄

哭天室妙普禪尼掩土

朝日輝休夕日輝人間生死不曾違靈雲敗闕沒交涉  
十月桃花一見歸

津甫妙要禪尼預修下火法語

漁家婦也

要識于生死者誰威音那畔試參キキ不然且待百年後  
以火把打圓相 月落朝平是法時 共帷

預修功德主

念馬郎婦

會漁父辭

托身女中

却瞞他宮女之寬金約臂

傾耳人世

所欲者古人之舉案齊眉

出則思候門子

人則憐暖席兒

杏花村遙

唯嫌翁解簑當

蘆荻洲遠

勞待渠罷釣來

又恐明朝雨下

縱然一夜風吹

我辭多是寄君

勿慕蘭嚴尊辟シヤウ炎漢

聖代祇無棄物

須希顏ス呂尚興ス蒼姬

自匪魚蝦為侶

爭見鸕蚌相持イセツナ言未訖手中火把子突出曰

上來言語禪尼平生用心走卒亦知強打這般談則有

什癡休期百年之後凡見聖見刹那空盡男相女相一

時脫離底那一句請說與禪尼榔火把却火洞然焦却

尾錦鱗透網躍須彌

餞柳岩妙暗禪左之行脚云

昨夜炎天白雪飛閣浮興盡向何歸孤峰頂上艸菴裏

放出毫光日月輝

老椿云迫八千春朽作郊原墳上塵積積築山花片片

須彌百億萬由旬壽岳性椿信男下炬頌

竹林道賢信男掩土佛事

舉鐵子東土釋迦不云乎賢キハシラ易色即今還看湯梨底

色麼不隨青黃赤白又非紅綠紫黑眼光落地時我向

汝說得色即是空空即是色 吐

秘在形山無價珍即今擊碎作微塵微塵裡轉法輪看

踏破須彌八萬句 吐送珎公首座之津

拈香

惠叟寶全禪定門三十三白忌之香語

孝子丹心心字香山僧拈出博山房直拋向卅三天去

築著阿爺双鼻梁

薩訶世界南瞻部洲大日本國筑前州宗像郡居住

三寶弟子吉田駿州前司法名良喜 今茲永祿九

年龍集丙寅季冬初三日伏值 先考惠叟寶全禪

定門卅三白遠忌之辰預卜日獲吉者仲冬廿又六

日也爰就于私第敷展梵筵莊嚴佛事待夜甘露門



護平等大會水月場懺無始衆罪下語于古德公案  
了僧歸院及橫眠倒卧承福堂上老師令侍者去  
謂山僧曰來日當散筵香茗華燭如法排辦茶菓珍  
羞盡味陳列現前齋僧首楞嚴秘章要出瑠璃喉轉  
珊瑚舌自餘修善件件必詳于僧官回向者乎  
於此所欠之者唯拈香法語而已和尚拈出不可不  
伸供養山僧曰更深人寢寐語為甚麼雖然恁地其  
命難拒今朝信手拈來熟向爐中爇諸人還知這香  
麼非海底伽沉水非天上多迦羅亦非人間一木五  
香鷓班龍涎是前住高原天理禪師自一滴菴中  
拾來付大功德主之伯藤氏備州太守亦復前住高

源嘯岳老兄於萬年軒下秘在授大功德主大功德  
主即今歸山僧掌握則下金剛杵而春者前三後  
三三合作百和香價直大千功德八百纔焚半椒則  
七日七夜七寶雨降更炷一九則四兵四魔四方電  
拂供養三世十方諸佛諸佛用此薰力高八相山深  
萬德海供養東土西天傳燈列祖列祖用此薰力續  
正續焰傳單傳芳供養今日教主虛空藏等諸菩薩  
諸菩薩用此薰力抽度枝茂萬行業供養二乘二  
乘用此薰力鋪三明花結一空果乃至供養天龍鬼  
神六趣四生各各與現前清衆共入香嚴圓通境自  
檀波羅蜜戒波羅蜜二指頭出現無量無數那由他

那由他阿僧祇阿僧祇光明雲臺一一臺中奏種種  
天音樂兩種、天寶衣散種、天妙華華香正與麼時  
這香起自掌握裏呵々大笑曰約一滴菴中萬年軒  
下之事則和尚上來言語物是座主家見解說甚麼  
諸佛說甚麼列祖說甚麼菩薩三乘說甚麼天龍鬼  
神六趣四生点檢將來種種名目唯是一心法且道  
惠叟寶全禪定門用此薰力成那邊事說似一物即  
不中 其惟

先考惠叟寶全禪定門 遺孫兩地 馳譽諸方  
源平藤橘之四姓鳴倭朝 住名得其一二  
恒泰崧華之衆岳聳中國 高標可比量

愛入致慈悲仁讓

克已存恭儉溫良

薩天錫吟宰府梅

生綠隣斯地

宋景濂賦士峰雪

孝子守彼鄉

警後生要多才多藝

論世事則萬言萬當

見者折腰

依稀彭澤陶元亮

諸人屈膝

彷彿圮橋張子房

和氣春風

烈威秋霜

道之所存今也則亡到這

裏金香爐下鉄崑崙突出曰此是

惠叟寶全禪

定門三十年前用心賊過張弓醉後添觴如何是

本地風光吐北斗藏身為舉揚法身從是露堂堂

隆尚菴殿尖甫道祥大居士廿五年忌拈香之括

語

舉香這箇那一物先混沌兩儀抽解脫枝歡喜兩酒  
不著累知見葉圓覺霜侵不表覆陰微塵刹界盤屈  
上下四維露出本地風光則為釋迦紅也得漏泄却  
外春色則為彌勒綠豈疑競艷進前三步者輕薄柳  
絮也鬪妍倒退千里者後生茉莉也海外旃檀何堪  
比倫嗅之底人成八百功德直共諸聖超十地塔級  
濁世優劣却稱賤俗觸之底漢證廿五圓通普化群  
靈脫六趣樊籬沒可把沒可把也太奇也太奇山僧  
即今信手拈出向博山頂上爛却骨肌捧爐神兮捧  
爐神兮且道畢竟是什麼舉香 祇言花是雪不悟有

香來

薩訶世界南閻浮提扶桑國海西路筑前州居住大  
功德王宗像朝臣氏貞大宮司今茲元龜第二曆龍  
集辛未秋七月十又五日恭臨 皇考隆尚菴殿尖  
甫祥公大居士廿五年遠諱之期預於夏四月廿又  
九日就于承福禪寺施淨財設盛膳酬因極慈先庚  
三日勝集底活名緇或有如迴旋香象王者或有似  
奮迅獅子兒者所謂靈山一會儼然未散不亦在茲  
乎晨香烟暗依稀亂雲出遠岫夕燈光散彷彿衆星  
麗天涯晝誦也溪聲廣長舌魔外潛跡夜禪也山色  
清淨身佛眼難窺楊投三占淨水古今羣亡刹那洗

衆罪、蘭盆百味、妙供河沙、餓鬼一飽、忘窮飢加之漸  
寫大乘經王六喻般若、以硯磨四香水、筆阜五須彌、  
則三途八難、苦衆成佛、不教龍女先讚、嘆須使帝釋、  
遲殊臨宿夜拜請、前往高原如雲和尚、入室下語、  
衆聽盡、歎一問一答中、短中規、自餘作善品、目旦待、  
維那、按回向、笛吹一吹、故杜口於毘耶離、今當散筵、  
奪曰者、香華燈燭也、列味者、芳茗湯漿也、于越一會、  
大士咒舉、白傘蓋、喉鼓、赤瑠璃、仍命隆尚菴主玄蘓、  
舉香、焚這、枯柏枝、供養十方佛陀耶衆十方達磨耶  
衆十方僧伽耶衆靈山會上大覺世尊安養淨土彌  
陀善逝現座道場圓通大士一切諸佛菩薩埵一切諸

賢聖一切諸含識一切諸神祇所集功勳尊爲追修  
冀冥福之良資去仰冀尖甫祥公大居士憑這不可  
思議薰力抹過凡聖同居田地後鷹不及超昇真俗  
無二境界駟馬難追者也 其惟隆尚菴殿尖甫祥  
公大居士據中國地磨周道砥境因久彰舉揚黑水  
和尚特地會黃龍之旨海外徒聞評品金華學士深  
林覓白鷗之詩胸宇塊看一由旬雪法波盃視八功  
德池仰義隆於宋家君臣道合致陶氏於堯上親族  
譽馳忠貞匪帝等傾誠葵藿仁政矧復慕不廟郊茨  
創新寺于曲江而掛額以吾名譬諸營招提半山老  
何敢讓矣入瑞雲之籌室而受戒問別稱擬自製祭

文五柳翁亦宜乎常抱終焉計要賦歸去辭清標  
惟同稱粉郎之何晏兒童皆誦芳聲難掩号藥師之  
君實走卒亦知戒時設真率會翫歌鞠或時擇諸家  
善傳射騎熟禪熟文熟瞞樂蔓在鳥窠老入真入俗  
冷笑龐蘊參馬大師看他居士拋下毘尼其榜僧房  
也荷葉團々似惠鏡其畫軍幕也菱角尖々似  
利錐誰敢當矣茂以加之勇功傳今永正第八歲仲  
秋廿三其祖向洛北船岳山曝戰骨生涯如電天文  
十六年七月既望此即於海西鐘崎浦埋死屍兩重  
公案大夢俄移到這裏真如解脫煩惱菩提元來水  
上聚沫衆善諸惡邪念妄想全是日裏浮斯火坑地

獄一踢踢翻徹底枯涸劒樹刀山一拳拳倒直下平  
夷雖然恁麼今日再應大功德主孝念降臨法筵開  
闢太平洪基則八方歌有道四海樂無為未審諸人  
見者阿誰若又見不及則試聽山僧鼓兩片皮  
夏木黃鸝三請時降臨法席咲開眉舉香 割崑崙耳作  
鞭筭五道冥官屈指麾

柅園妙壽禪尼大祥忌香語

南瞻部提扶桑國筑前州御牧郡遠賀庄蘆屋津覺  
海山禪壽禪寺龍藏軒宰松陰座元久養母閑房蹈  
陳尊宿旧轍可謂僧中傑也先是三年慈母異鄉避  
亂唱滅今茲元龜壬申八月二十又九日伏值大祥

忘辰謹拜屈合津諸賢哲首棲巖之咒同音諷演伊  
蒲齋之供盡味陳列奉酬生前之老婆心切且又借  
手於前聖福玄蘊老拙割鵲崙之耳焚鷓鴣之肩以  
供養一切諸佛菩薩一切諸賢聖眾一切諸神祇一  
切諸含識所集功因專為先妣桃園妙壽禪尼趁  
昇青冥紫雲之棧梯透脫泥犁黃泉之縲紲者也其  
惟某甲縱傾大湖三萬六千頃以為口東洞庭七十  
又二峰以為舌亦豈讚揚盡其芳德貞節子故聊打  
香巖童子來由之說而已舉香這箇是妙壽禪尼祖  
先屋裡鑄一大錯以聚來底九州鐵  
化眠暗室之牛則 馱取西來狐

變橫古路之蛇則 吞却南山鼈

歷代祖師得收去全叫分皮

三世諸佛作拍勢不覺吐舌

涅槃岸頭掉無底船運濟冥途群靈 眼裡失箭

閻魔界中拍一箇棒打殺河沙餓鬼 皮下求血

乃欵曲終

悲泣聲徹 別別

一子出家授受將去作家爐中千鍛萬鍊作一點雪  
則呼吸不通寒烈烈依然銀椀裏盛來及塞斷禪尼  
唇吻去得涼除執雖然恁麼猶未能消去老拙握之  
打破禪尼双鼻兌且道祖先屋裏鉄與一點爐中雪

菑

有什麼優劣若道有優劣兩字元八字若道無優劣  
八字又兩字到這裏信不及則試看老拙野偈一絕  
秋不凋零春不茁三年笛裏誰吹裂香巖本寂少知音  
舉香八月梅花獨漏泄

隆尚菴殿喜公忌拈香頌

生前父母是乾坤檢東將來叫報恩二十三年九州鐵

以香指爐

金香爐下鑄寫崙

大日本國筑前州宗像郡曲江山隆尚菴守塔比丘

玄蘓今茲天正第四仲春二十又一日恭遇前南禪

湖心先師大和尚十三回忌之辰于菴門銀椀盛雪

以慕巴陵烏旣碩泉而占經源聊酬慈蔭以這般之

惡加之誦無上神咒勞現前達尊正與麼時大和尚

降臨法筵覆蔭後昆諸人還看麼若又未然則試聽

香巖童子即說偈言

師是江南古佛孫孫子子盡乾坤窮郊二月梅花骨

粉碎將來當報恩

奉和吾山堂頭和尚瑞松開山祖師三百年忌香語

之韻

六十餘州四百州匡徒領衆有徽猷東來意又西來意

片片單傳落葉秋

今茲慶長癸卯仲春念一日迺前南禪湖心先師

四十年遠忌之辰也不肖小子玄蘓燒香禮拜之次

唱拙偈擬報恩一句伏乞 昭鑑  
袈裟勃卒老沙門此是先師不肖孫四十年來全檢束  
酬恩割取鉄崑崙

吾山心月座元設先烤三十三白忌齋之日萬松長  
老天菴大禪佛唱率偈以慶讚則一會龍象其和已  
成幻住法兄禪師寫以示諭焉呈拙和不知取閣黎  
飯後之嘲也否

形山一寶錯爲玆三十年前碎作塵別有爺錢容易遣  
碧荷宜夏綠苔春

鼻祖忌一偈書以督傳方二藏雪之連和云  
隻履空棺缺齒翁扶桑支竺慕宗風射看無聖廊然箭

舉香這報恩香賊後弓

道號 齋名

吾徒祖圖藏主祖母還鄉之日老兄秀寂禪師安法  
名曰妙本蓋老兄恁麼予豈默止乎數日之後副之  
其道稱以德輝可謂狗尾續貂者也仍書短偈一篇為  
直之證且擬送津那一句云尔

不孤必有隣日下立來人鳳鳥亦難覓虛空即法身

永祿十一曆龍集戊辰佛誕前四日幻住十一葉  
孫隆尚菴主玄蘓書

榮珎青年求別稱書玉心二字應之且又唱一偈為  
他日之證云



柳自綠兮花自紅轉隨萬境影玲瓏全非大日髻中寶  
依舊三星繞月宮

萬松派下芳公座元之別號蘭室先是松塢師翁  
之所命也請予於說一偈吁大匠之下小子何言乎

且聽管城子代予以彈舌去  
直指今兼普帕均燈籠露柱笑問其深幾丈門東艸

且道毗耶杜口人  
大歲舍于戊寅天正之第六繩九月上浣日

天目國師十一世前聖福兼高源仙巢道人謾書之  
改書妙真禪女法名別號

先是龜申之夏妙真信女求立別號應以金岫兩字去

歲癸酉仲冬十六之夕吾湖心先師入夢謂云信女者  
鐵閨宗生居士之法喜則對以金岫妙真者也太奇哉  
雖然未適于吾懷更始喚燈外妙照則可也予云願師  
作偈證之師乃舒黑紙書偈云一千七百則宗風傳不  
傳傳離此中不盡乾坤挑起看扶桑樹上日輪紅及覺  
來誦之則不成夢會希有希有數日之後予告士士又  
傳信女今茲甲戌正月之望寄紙請記夢蓋夢也至誠  
所感也不可拒辭書以返焉 前聖福松石山下ノ齋  
道人書

如來藏裏得汝為笑殺驪龍襲九淵價直二千大千外

團々荷葉疊青錢 珠溪號

叙去不須元刻舟長連床上立宗猷更師演若達多跡  
露柱燈籠失却頭思菴號

妙嶺禪尼之別號曰雪窓聊證之以拙偈云

千秋寒色白漫漫老杜吟懷無兩般僵卧未知同此意

兼參第一達磨看元龜第一天龍集辛未佛降日

廣渡貞續髻年而從予者三四霜今茲天正第五之

艾夷則俄然逝矣其夜未艾訃音達于冷泉之仙巢翌

晨到牌前見之則只有宗性之法諱而未立別號故

副以花岳兩字蓋取字於花有佛性之語者也仍唱

拙偈為證且擬送津之一句子云爾

普願庭前指一株夢驚萬歲三呼巨靈昨夜擘開去

地下亦無天上無天正第五夷則十又九日

未流子源家而太守于但州之士其法諱曰宗仙求

予於別號以桃岩之二字應焉漫題一偈為證云

敗闕靈雲不免譏嶮崖撒手叫投機天花乱墜如紅雨

空却先露拂石衣

春不能萌秋不衰三星遠月也天涯一花五葉聯芳處

禍始神光立雪時樹心號

石松賀州太守父子闕沒之後求題拙語於牌銘之

上不獲嶮拒信口乱道以應焉云實田道秀居士  
主忠性考信男

有斯兒矣有斯翁共報主恩心願躬莫莫觸躐前妄想

牌中數字付清風

天正壬午小春上澣日 蘿月山主東軒玄蘓書

筑之前州蘆屋津有一賈士遠介人寄紙曰吾及親  
二兄共俱就和尚授法名別稱吾亦不見漏網則足  
矣予感其志之所之安法名曰玄富立別稱號潤屋  
且題拙偈為之證云

大地衆生蘓渴來旱天霖雨棟梁才看々仁澤普霑處  
露柱燈籠咲滿腮

前隣船主盟祖圓首座予先是在筑之日需雅其號  
以鑑叟兩字應馬今茲慶卯之春其令嗣如水宗晶  
首座袖紙超海來曰上書兩字下題一偈旌其義則  
當非吾師身後之榮而於吾亦所嘉悅也其孝義至

者不可不感焉信手塗糊信口亂道云  
不犯磨礪塵自無人生七十一須臾藏頭白也海頭黑  
胡子西來照赤鬚

平陽之惠公記室訪予於肥陽之次求立別號曰  
香林漫書短偈以為證云

仰瞻遠錄公天下巨禪叢是甚鼻功德一株嬾桂風  
今茲慶寅之夏有禪人介于人寄紙請改禪人書居士  
予問介者曰居士有種種位居士作居士財居士法居  
士是也未審禪人是那箇居士乎介者曰禪人多年扣  
前物持掌上天叟和尚籌室掬洞水餘流於是和尚辱  
賜五條衣及居士號見即其所證則喚之作法居士亦

曰哉矣予曰五條衣迺修行衣也居士他時異日猶不  
獲止掛著這箇衣修行向和尚室中透徹洞水源底看  
果然西山濟水之禪猶醍醐無一味者必矣書以塞請  
大明特賜本光禪師大元天目中峰普應國師十一世  
法孫前聖福景輟玄蘓書于對府四申洞裏遺臭軒下  
予住聖福之日居後板職者諱曰清需雅其號號渭  
叟且綴禪詩一章以為異日之證云  
八十封侯覺昨非終身只合坐苦磯空王遊獵後車上  
白髮崑崙載得歸 文祿二年小春日

景隆號

妙幢主盟諱曰虎介于松雨禪翁需予之立別號仍稱

以景隆兩字翁曰願聞其義予曰虎丘隆禪師司藏鑰  
之日叢林呼為睡虎寔千歲羨談也虎分虎分攷之不  
怠三條椽下七尺單前嘗過虎丘睡味而及其覺之日  
大建妙法幢則此亦睡虎彼亦睡虎可謂虎而有翼者  
也祝祝 己亥季春下泮日

今茲慶已之春予伴朝鮮國和使松雲大師入洛之  
日有講同梓好來者諱曰琳需予立其號應以玉吟  
兩字且作偈為證云

日暖藍由烟已生呼為脚下大光明諸一顆作麼價  
百億須彌十五城 慶長第十霜龍集乙巳佛涅槃  
之日 大明云書于城下本法教寺十乘之院

良菴主字諱曰心予伴朝鮮國和使松雲大師旅食  
京華之日求立其字以雪叟應焉且唱一偈為證云  
咄箇老僧持咒遲寒梅拗折不萌枝紅爐一點鍊來看  
混沌依然白畫眉

東都玄徒老人自號休菴予客于都下之日需題一  
偈蓋予廼關西老禿子也若信口亂道恐取嘲於都  
下諸彦不如緘口過殘春是以拒辭者數矣雖然其  
需不止遂書應之云

淡飯麤茶無味禪孤峰盤結艸芊芊同行拄杖拍將去

徑

靠左邊耶靠右邊

經山鳥豆十四葉云

宗瑛藏主洒掃予仙巢者有年于茲矣慈父道金信

男沒後歷兩三日求立其號號曰西岩漫作偈以為

左證云

殘照近黃昏浸山水覓痕要知安樂國生鐵鑄崑崙

州仲號并序

岐陽安國之徒諱曰倫先是首于吾聖福後板之日  
堂頭耳峰法兄老師立其號稱州仲惟時師卧病故  
不能作偈為證果以掩光於是遠寄紙請予之說偈  
宣義吁大匠之下小子何言予雖然來命難拒拙偈  
一篇塞其請云

迦葉師兄獨破顏儼然一會罵靈山梅花偏稱西來意  
強半春寒李孟間

壹州安國之徒有佳衲子諱曰圓請予之雅其號仍稱月江漫賦一偈祝遠大云

蝦蟇吞却廣寒宮吐露將來流向東水底波斯穿鼻孔天香吹下木犀風

予本貫之隣里有一士自以紹山為法名以梅友為別號遠寄紙求予作偈宣義不獲拒辭書以應焉

義與漆膠金石同江南有物領東風素兄青土蒼髯曳其結生緣色界中

三甫號

赤城伊藤慶增公需予之安法名且雅別號仍安以宗已雅以三甫應焉漫宣左證之偈招異日之嘲云

軒轅陳曆沒蹤由日月斬新稱孟取輪却楊岐驢背穩北月

京華旅食杜叅謀

本州津奈村金剛王盟宗養藏主一日來告曰承聞和尚先是董聖福三百眾者久矣庶幾轉位於後板

且書副諱之稱以賜則何榮加焉哉仍稱曰機菴漫唱拙偈為異日之證云

入門先問主人誰多少工夫織得來莫向三條椽下覓獨容心印鐵牛知

本州津奈村妙音寺宰諱曰闇一日伴楮先生來告曰庶幾轉位於聖福後板且又書副諱之稱以賜則

寔一生之榮也於是副諱以笑林兩字仍題拙偈為

之證云

無手人能拍手時  
梅檀荆棘發叢規  
破顏尊者沒交涉  
懶桂二株秋一枝  
誰識曉天那一輪  
獨超物外絕纖塵  
看看二萬六千頃  
影印波心億億身  
月湖號

金持菴宰諱曰養就以需之其號書賢甫二字應馬

且題一偈為之證云

生鐵梅花資始披一寒易色雪封枝廬山十八竹林七  
太極春風香暗吹

赤壁伊藤氏之人需法名及別稱仍以宗廟為名以

神松隱為稱且作跡宣其義云

却嫌桃李下成蹊不若巢居同鶴栖  
奔走相彼投老地  
寒流石上一株西

予旧梓善福菴宰宗超首座遠介于人求別稱稱曰  
機翁仍說短偈為左證云

祖師心印鐵牛過橋試織得看髮絲繫星

南叟號

現居士身於筑之後州管氏成貞法諱曰性下就字  
請副諱之稱書南叟兩字塞請且題拙偈為證云

薰風除熱得清涼百歲光陰閃電光  
一問前三後三眾  
白頭濡首處那方

尾州富士山大吉精廬迺古之教寺也物換星移無

峻

宣方便說之徒時人口喚其名者在年久矣故洞上天鷹派下昌翁繁公首座改教為禪公唱滅前五年俾孝菴養公禪師董其席公迂寂之後禪師命畫工描公之肖像今茲慶長丁未予赴東武之次于往于還投宿於精廬禪師謂曰願和尚說一偈以代讚語則足矣不獲浚拒宣拙偈應其求云

優鉢再回曹洞春法身無相絕埃塵虛空手動須彌筆寫出先師面目真

讚前物持當山第六世萬室大和尚慈像并序

去歲慶長丁未春之仲朝鮮國信使過海之日予指路留滯京師者久矣一日借後素手繪和尚慈像及

歸來獻之和尚曰親切甚親切也雖然若是無

一語後之見者必曰他是阿誰所異上書一偈代贊

辭則何賜加焉哉其命雖難拒之和尚名珪無瑕小

子若雕文恐喪德者乎是以擲掄至于今日其請不

止遂筆返焉

遍歷多年閑以東歸鄉行道立宗風本來妙相相無相肉眼閣黎信画工慶長十三年南吕晦日

文翁號

對府之壽康菴宰諱曰忠一日寄紙求副諱之稱稱號文翁漫唱拙偈以為證

都都郁郁誤烏烏貫道蒼姬八百年明眼衲僧看不到



舉揚趙老老婆禪

桃園號

予之同梓宗仙信士遠介于人求別稱以桃園兩字  
應焉且系一偈為之證云

結菓遂遭方朔偷培栽空手把鋤頭落紅片片一犁雨  
老圃堂前叱鐵牛

柳江號

性春信男別號號柳江蓋是摘梅柳渡江春之句者  
也且唱一偈為異日之證云

水底波斯還聞麼黃鶯飛入翠陰歌西來一葦波交涉  
瀛得五株陶達磨

慶雲號

勝作亡母戒名曰妙讚先是三玄師翁所見命也勝

作求其別號書慶雲一字以應焉且題拙偈為之證云  
知音在積善家哉漠漠無心用岫來後學會麼圓悟道

祥風吹散透陽臺

合在長堤楊柳邊置春水母未生前月香水影詩衣鉢

三百寺僧傳不傳

梅湖號 諱鉄

妙金信女別號菊圃仍證之以拙偈云

數畝就荒秋色加知音聞昔出元嘉誰歟空手把鋤者  
第一達磨叅問花

余鄉人荻尾重成公騷屑以來客居筑之後州遠介

于人需投戒名立別號聞昔公之慈父扣余湖心先  
師籌室換却俗眼矣今也此需講其好者歟於是  
獲嶮拒授以道無立以本法介者曰願聞其義余今  
年七十二老與衰日交加無心思惟聊書古佛之偈  
以為左證云 法本法無法無法法亦法今付無法  
時法法何曾法到這裏若又信不及幸筑在心月圓  
禪師是余同叅也請其問諸

唐坊智勝公去歲蜡月之望客死于東國訃音云至  
之日其嗣子請授法諱立別稱仍以宗說為諱且副  
之以松岳兩字云爾漫題禪詩一篇為異日之證云  
誤以風聲作雨聲寒流石上一株生山河大地皆秦垢

十里乾漉洗不清

多田調種公是余四十年舊識也遠求安法名立道  
稱其志深哉仍授法名曰性喜喚道稱號笑雲漫作  
獨為異日之證云

古佛拈華示衆時無心出岫展開眉陽臺夢落在那處  
獨許破顏尊者知

多田種次公安法名曰性澤立道稱號德岩仍綴墊  
偈為之證云爾

鑿井耕田堯舜民輕衣拂石是何人抹過大小鐵團看  
八萬旬山必有隣 慶成立秋之日

利公藏雪請雅其號予老與衰共加胸無一丁字雖

然其請不止漫以德菴兩字塞請且唱野偈一篇為之證云

東魯瞿曇胡不歸孤峰頂上小柴扉鳳凰于千仞覽輝下露柱燈籠接翼飛

方公藏司求慈母之戒名及道號予感其孝義安名曰妙遠雅號喚却外仍書一祇夜為之證云

有物先天元是空開花鐵樹領春風塵塵三昧底公安案離却輕衣拂石中

佐次奈浦觀音精舍主人公諱祐需立別號以景為兩字應焉且唱一偈為之證云

慕蘭布顏傳不傳一頭水牯是誰禪呼為木椽沒交涉

踢倒淨瓶澆大千酒慶長三年龍集戊戌中秋之日

菊溪字說 代人

紫府之以東照月山淨滿精廬畊隱座元之神足有齡妙而性敏者其諱曰晉一日介于人需予立別稱而作之說予雖不文志之致遠者豈可拒辭乎命之以菊溪一字也往晉東晉有達磨不分皮不分髓或折腰或擯眉無二株嬾桂之識有一枝佳菊之詩其略曰採菊東籬下悠然對南山寔千歲之美談也字取於此義異於此矣說文曰晉進也繇是視之菊之為花也不競艷陽於春風之桃李全同晚節於歲寒之松柏竊比諸孔子所謂後進於禮樂之君子人也此說亦復不足取焉原

夫解空尊者岩中宴坐諸天雨花讚歎尊者曰汝何讚  
歎天曰我重尊者善說般若波羅蜜多尊者曰我於般若  
若未嘗說一字汝云何讚歎天曰尊者無說我乃無聞  
無說無聞是真般若又復動地雨花蓋諸天所雨之花  
非俗李凡桃之類必秋日之菊也歟古不云乎鬱鬱黃  
花無不般若吁菊之義偉哉時有客謂曰以溪副菊者  
何也我聞秋月公其精廬之英檀而風流太守也他日  
師檀道谷以聖明也以恩光也仰菊溪之水則精廬之  
禮樂勃興于茲矣方乎此時解空也可貴焉達磨也不  
可慕焉何也則季奴艸榮司馬灰冷社稷艱難之日無  
意于執政事唯以醉吟寄傲為第一義諦矣今也天下

硯壽齋說

叢林單傳葉落直指蓬荒菊溪菊溪攷無意深根書  
林固蒂藝圃保晚節於北門齊遐齡於南山摘真如翠  
採般若黃則與尊者把手行者未為難矣勉旃  
物之壽不可不久遠壽不久遠則其有所得鮮矣朝開  
暮落之花不得知松柏之標早存晚亡之虫不得知龜  
鶴之年其於人也亦然不幸短命之顏淵不得傳夫子  
一貫之道寔千歲之遺憾也對州長壽之徒久公知藏  
來從前高源禪壽師翁者有年于茲矣頃日築幽齋為  
客居且求名於予予以硯壽應焉知藏曰其義如何予  
曰諱曰久久而久者莫若硯也古人不云乎硯之壽以

世計故摘其字祝遠大而已他時異日虛其中鈍其外  
合老禪之壽與硯之壽以為公之壽則向所謂龜鶴也  
松柏也豈同日可談乎於是孜孜不怠漲起高原一滴  
水又以其餘力動著文章萬丈瀾再歸對州宰于長壽  
之院則州人必曰硯壽之稱稱其賢者也思旃

### 曲菴號說

赤城之妙湛主宰竹公首座需副諱之稱以曲菴二字  
應焉一日袖紙來請書曲菴之說予云迺翁前高原一  
英禪師在多福之日公侍巾持者年尚矣然則取義於  
晦堂之所謂多福一叢竹三莖四莖曲者也亦復吾幻  
住古佛共斷崖老兄敲高峰天目之死閑時有久問其

優劣峰云木維那竿上林新篁義首座如根老竹七曲  
八曲寔叢林之嘉話也先是永祿丙寅小春二十之夜  
半公竊勾一賊子入予室來古佛的相承衣盃坐具  
寶瓶禪板蒲團白拂竹篔拄杖等不遺一件盜得以歸  
矣傍有客問云今夜入室底兩賊子且道孰是和尚之  
新篁孰是和尚之老竹予云賊是小人智過君子書以  
為說 大歲輯辛未元龜第二曆上己之日

### 斤齋說

今世好事者別構一小築冬開地爐夏設甄爐煮茶以  
為來賓之備其粧飾也其觀娛也不足勝言矣吾一如  
列翁亦効其鬻者一字求名於仙果老人老人以斤齋

商  
應焉翁謂老人曰翁也不愛皎齒蛾眉伐生之斤不能  
月斧雲斤琢肺肝不運郢之斤不藏宋之斤不具晉人  
八百斤之躰不鼓唐人三百斤之腹不賜漢人四萬斤  
之金且又無秤象知斤之智只勤買人之業而南商北  
賈到處携秤子去或說左眼半斤或論右眼八兩則以  
斤為名者乎老人曰此是世寶未足為上諸寶中法寶  
為上蓋不知重幾千萬斤磨不磷涅不緇取之無禁用  
之不竭吁翁之言是必賣弄漢而所老人之不取也即  
今試問翁先是自前承天九白禪師會中拾得將來那  
一物秘在形山也否若是秘在則幸有一箇鳥有子以  
青州七斤之衫包趙老一味之茶沽諸沽諸待善買者

也正與麼時翁買却幾斤乎他日六椀通仙靈兩腋清  
風生之時節請忘却斤兩乘他清風再過仙巢問斤齋  
之義必向翁宣

自齋說

小林貞歲公與蘓子執交者猶如節推之於蘓老其情  
義之厚者不言而可知矣今茲庚辰赴三韓之日求扁  
其齋應以自之一字則曰不知義如何古不云乎百億  
之山生自微塵無底之水始自盪觴前丘之雲起自膚  
寸千里之行進自一步蓋公壯年之日大廈廣宅畫棟  
飛雲珠簾捲雨以必曰今日之事始自自齋者也祝祝  
便面有餘白不獲止又書一詩留別公去云

及棹三韓萬里船單辭題扇作齋扁若君別後不忘我  
捐縱得秋風莫棄捐

三曰齋說

冷泉有姓三品之石而燒品字之薪辨澠泗之水品評  
蒙建之茶品待賓會友迢迢徜徉惟意所適底一士求  
名其齋應以三曰兩字者也膳夫口之有三者是品之  
為字也且道石氏喚作三品之品乎為冰品之品乎抑  
亦所燒之品乎所評之品乎請自定其品

梅甲齋記

慧日派下松浦之琳公藏司者學英和尚冷嗣而堯卒  
老師神孫也一日謂仙巢老人曰要以梅字扁客居幽

齋老人又副一字則足矣老人曰甲之字可也公曰不  
知其意如何老人曰梅之甲天下者莫若慧日與堯卒  
蓋松浦之梅亦所見為倭人稱賞也公他日梅甲齋中  
孜孜不怠遂摘學英之芳以甲于慧日之梅堯卒之梅  
松浦之梅則人僉必曰甲之一字不虛副者也思旃

藥州院記

醫師安心翁求記于藥州院予不文也何言乎古云上  
等醫以不藥為藥中等醫以藥為藥下等醫以藥為不  
藥宗門別離藥州更有一藥露安心是藥書以返之

介齋說

神屋宗白道人愛重今子智定公謂予曰我未有扁齋

之字欲以余揭之可乎予曰可也屋之為形如余字者  
謂之公屋未審公之所扁者在于茲乎且又予之所解  
者異于茲也古用余字甚寓愛重之義也殷宋得賢佐  
曰若作和義余惟塩梅也蓋是非愛重之義乎父之於  
令子猶君之於賢佐也不然則何以繼家業於千萬世  
乎道人存日了知百則公案之為願神妙術而坐斷神  
屋以這事自負矣於是黃達磨之曰道人獨藏一神屋  
者可併按焉公若繼父業而歸我宗我無隱乎余遂能  
願其神得其術則必曰若作木札羹余惟塩梅也正與  
歷時殷宋所得賢佐全是嘗指底漢而已余齋思旃  
太歲集于己丑天正之十七曆上己日

前冷泉亭主遺臭叟書于酌菴

一簣齋說

山崎氏重政公需扁其齋以一簣兩字應焉公曰庶幾  
聞其義予曰古不言乎為山不能山過在一簣止公也  
業適賈他時異日南商北賈以通有無者猶如一簣之  
不止則終必築得一朶寶山於是八萬甸之迷廬四萬  
丈之天台九曲之崑崙大小之鐵圍皆是山崎之枝岸  
蔓岑者也祝祝 慶酉夏之季如意珠日  
遺臭叟老衲書于四申洞裏

睡雲齋說

對府長壽之院有一英衲諱曰甫其職司藏鑰檀門使



英衲領院中諸件事，故被院務繫縛而必困。困則必睡，其睡未足，借禪床於南浦派下善知識，入睡三昧團蒲。日靜者久矣。一日睡餘，求予之名，其齋於是問齋之去院者多少，則曰：中間只隔一片雲而已。仍摘古入所謂一片睡雲驚散之句，以書睡雲兩字，應焉。英衲重袖紙來請說其義，予曰：止止，不須說先束閣之，更去於禪床角，且補殘睡。蓋睡本起自無心者也。睡裏若是雲無心，以出南浦類楚雲如牛，則痛鞭其背，耕破無心田。地看英衲與片雲，豈有二睡乎？到這裏英衲所司之修多羅雲，亦皆是四十九年說頻說漸底睡語也。早奮關山笛於善知識來向一曲兩曲，無人會處，不隨五音，不干六

律請一吹吹覺，正與麼時，予向英衲說：若或未然，則只應猶是夢中雲。大歲輯辛巳天正第九霜前，冷泉亭主仙巢子歸自朝解客于對府之日，書於長樂院。

容膝說

洛下治安老人以醫術自負，一日訪予病床之次，需其號以容膝兩字，應焉。老人重寄紙來曰：願聞其義。予曰：第一達磨作歸去來辭，其略曰：倚南窓以寄傲，審容膝易安。蓋字摘之于茲矣。老人若就諸作用，皆知足則胸宇方寸之間，乃是大安樂之窠也。予聞壯九重於內，所居不過容膝，吁其知足者莫大焉。義取之于茲矣。古

德亦不云乎安心是藥書以返之

樂口齋說

冷泉人高尾信光公來訪對府客舍之次出紙需名其齋聊以樂口二字應焉且論云高者非自高也居卑仰瞻則惟高矣卑者非自卑也登高伏見則惟卑矣然則高與卑共不可離歟夫世之高者山而卑者水也古云仁者樂山智者樂水蓋以樂口名齋者不亦在茲乎公竟尔云愚人爭知仁智之樂其樂子別離却山水請說樂口之義予云公歸家穩坐不作土木之勞而於方寸裏築一字知足天宮來即向公說遂書返之

宇流齋說

赤城之下有一佳士需名其齋以字流兩字扁楮間士曰願說似其義予云環城皆水也人喚之曰硯海朝朝暮夕猶如巴江學字流蓋齋也臨此流是以摘其字者也士曰淺哉翁之言此是詩人舊題而我所不取也請向無涓滴處流盡無文字之文字來予云他時異日士穩坐齋中徐閉眼着必有一箇無手漢磨四大海之硯執五須彌之筆空中書字水底作文於是若又看不得則予說更待驢年

一炊齋說

飯信次公請名其齋以一炊應焉黃涪翁曰蓋世成功黍一炊蓋字摘之於此矣吾宗別有半合鐵釘飯以無

義味為味公他日一炊齋中不動舌頭嘗過去者 咳

五臺山上雲煎飯

筑之鉅公禪伯自扁其齋曰半鑑就予求短偈書以

塞責云

月訝強弓影霜留隻履痕乾坤誰煮却析脚配雲門

松說齋偈 并序

岩長智廣公請名其齋書松說二字塞其請古曰松

風說法蘿月談空其字摘之于茲矣又曰松風談般若

若未審是空生尊者宴坐岩中所說般若者歟其義

取之于茲矣公異日默坐齋中方乎岩松無心風來

吟之時試聽愈好聲蘿月所談亦般若心空而同一

廣長舌蓋是皆岩中英物也仍系以拙偈云

岩畔雨華飛玉霏蒼髯白千芝空生掩日諸天耳

澗壑清風十里聲

貯春齋詩 并序

虛白主翁一日携予敲久矣老人高居居乃在關市

之中塵点碧丸風翻青紵要醉者躊躇求價者奔走

絲來線往人如織誰得浮生半日閑乎傍有跼門老

人開之勾翁予亦從後石徑斜通繚而曲如往而復

其左右插以雜艸木雖然至于不花之艸不實之木

不能一栽之其慮遠者可知矣一艸花凋又一艸花

開一木菓收又一木菓熟鬱々惹々不知其幾葉幾

株吁偉哉暫之節休樹清風不挽而來殘暑不推而  
去徐步到徑盡處有一幽齋乃是老人宴息之處也  
掛壁以一軸子親視其規模字樣察自筆子非具眼  
者難辨真假加之甄爐煎瀑玉壺貯春皆所為翁設  
也不意開市之中藏此閑世界可怪焉而可嘉焉賓  
主禮了後稱平生久要者二三輩應招列席或靠壁  
坐或就枕睡渴則啜醒則飲飲酣歌々罷話殆自午  
雞至夜鯨李太白所謂不知天壤之間復有何樂可  
以代此也不亦在于茲乎翁云先是客對陽之日於  
或人壁上見貯春兩字蓋是明人仲和所筆也今見  
此軸子憶我曾遊老人聞翁之言有喜色竟爾云以

其兩字榜于齋之楹如何翁戲云習氣未除以慕楊  
州紅藥之春乎老人云否平日性嗜酒恐是心在畫  
中春乎老人云否若或未然久窺濟宗之旨故以深  
山裏栽松之法及園中雜艸木則且道漏泄臨濟百  
花之春乎老人云否予不忍聞之賦一小詩以和會  
去云

坐照庭柯綠映紅幽齋無日不東風客來試問花來處  
盡在主人和氣中 慶西殘暑倣裝之日

箇齋說

今世好事者別構一小築以某軒某隱某菴某齋某屋  
為名而為宴息之處矣今村智恒公寄紙求予之名其

齋乃以箇齋應為仍諗曰一生二生三生萬物然  
則公起自箇齋之下遂築成千萬間大厦者必矣祝祝  
書以返之

好雪號說

今茲慶未殘臘凍雨霏々半作雪之日壽昌禪院中興  
全公座元諗予仙巢之次謂云我雖云過半百未立副  
諱之號願和尚立以賜則何榮加之哉予以好雪二字  
應焉座元云其義如何予曰昔龐居士辭藥山山命十  
人禪客送至門首居士指空中雪云好雪片片不落別  
處時有全禪客云落在什麼處士打一掌全云居士也  
不得州州寔禪林佳話也今日座元辭仙巢若其門首  
有久問落在什麼處對他如何答若能答得今座元與  
古禪客同一是廣長舌此外何云乎請思旃

半雲齋說

筑之桂菴老人以醫術自負矣航海訪予於對府仙巢  
之次謂曰吾為號者甚夥矣始學醫術之師命桂菴兩  
字後誨儒書之師命見義一字雖然意未足矣願和尚  
名吾齋則他日喚之要永為名如何數日之後老人又  
過仙巢東語西話于時雲來爭席山近田屏予不覺乘  
興沉吟古人一聯曰萬松嶺上一間屋老僧半間雲半  
間於是老人曰請摘字於此一聯以半雲名齋則足矣  
予以謂老人以雲欲名齋者寔有以哉老人先是得龍

光院殿如水大居士之寵者年尚矣承聞居士初生之日日下五色雲見矣人以為嘉瑞也韓潮州云龍之噓氣成雲然則老人以雲名齋者蓋示不忘居士之寵也是亦義也所謂見義之佳稱不浪命者明矣可尚焉可嘉焉老人請試百鍊龍光之噓氣以作嫦娥靈藥來看桂卷迺桂窟桂窟迺桂卷也吁此稱不亦當乎半雲兮半雲兮未審為五臺半合之雲耶抑亦為萬松半間之雲耶老人只自辨思旃

今茲庚辰奉使三韓以泊舩於對陽鳴居瀨瀨下有寺曰西光其主人公諱成余字之號玉峰漫唱拙偈為證云

鐵錘擊碎暗昏昏強向藍田莫覓痕大日髻中藏一顆

金剛脚下照崑崙

哀悼偈 塔婆 經銘

六十扶桑三宿桑青山綠水是家鄉黃鶯喚覺涅槃夢

別別春風睡海棠 追悼人喪父

祖 吾門脰圓藏司開慈母三室妙玄安人小祥忌之齋

筵以延予之日漫唱拙偈代飯錢云

今日齋筵為母開二年光景夢中回金鳥展翼扶桑樹

全向靈前反哺來

今茲天正五年仲冬初四冬至之日一室宗陽赴無

生三昧卒唱野偈一篇擬還鄉之一曲云

此人何事等閑回冬至一陽時復來面目端嚴甚微妙

枝頭花綻嶺頭梅

訃音落耳淚沾巾年過西施二八春玉骨冰肌還土看

炎天木母是前身

哭知竹齋之喪愛子

禪詩一篇追哭富春院殿威翁宗勢禪定門之逝去云

國將杵曰泰山安可惜牌中名字殘觀物思人倍惆悵

一叢新竹立孤難

天成夏之仲

竒菓珍饈為母供忌辰今歲此相逢病來我亦耳聾漢

遮莫闍梨飯後鐘

因病不赴施主家齋

金燈外照公禪定尼早世之日幻住法兄禪師作偈追

悼焉卒奉攀韻枝以回向靈前云六日學中誦一則

月印波心日麗天仰彌高矣鑽彌堅這般寒暑胸中戰

獨立空山叫凱旋

透萬重關無處留須彌百億四神州依然踏破人天道

又似芭蕉不耐秋

悼人

無塵妙洗安人避兵赴赤城半途而逢雪以逝矣憾

哭之餘唱拙偈呈靈前云

風捲雪塵時節因無寒暑處去翻身干戈叢裏行空月

也不生前面目真

前高原如雲和尚示雙趺於安延山中之日吾山堂

上耳峰法兄禪師作偈以慰詢其徒焉予亦步韻尾

助諸徒之哀云

直指單傳葉已萎叢林衰替在惟時脫為一片虛空紙  
獅子岩中獅子皮  
弟子祖圓藏主喪慈母三室妙玄之日作偈助哀云  
閑房養母過年年感子蒲鞋不倦編今日直安頭上出  
高於無影樹枝懸

近悼自得源性信士之永訣云爾

劍樹刀山急走過回頭全不顧娑婆人天號哭梅花笑  
且道空王佛奈何 天丑冬後

朝陽紅作夕陽紅日日沒西兮涌東脫却這般生死看  
天堂地獄本來空 悼一室宗陽信男之齋云

且同譜天甫知藏客死于東都之日月江侍史作禪詩

見追悼焉予亦附韻尾云

東遊有志過年年俄到春時出冷泉生別不圖成死別  
袈裟裹泪哭蒼天

慶讚前高源如雲法兄禪師大祥忌之齋云

此翁從石上拋衣三歲光陰一夢非今日再來相見了  
子規莫叫不如歸

感實田主忠父子融回忌之齋

諸將奉君雖以忠戰功誰與此人同朝來啼起別時恨  
兩箇黃鸝翠柳中

助珉公雅藏喪慈母柳湖妙暗禪尼之餘哀云

出家兒九族生天說得誑人黃蘗禪一路涅槃門在此



春風桃李不言邊

得香昇意婆子敲幻住之菴飽叅于湖心先師請益  
于耳峰老兄則已有婆燒菴之機可謂勤焉今茲天  
午春之季客死于松浦訃昔傳來之日唱拙偈代諷  
經云

元師示汝老婆禪叅請如何三十年未後了知心切處  
不成佛也不生天

河村勝盛公恭遇慈親雲窓居士十七年忌之辰奉  
供養前南禪耳峰堂上大禪佛大禪佛裁妙偈感孝  
義吁予與居士舊相識而同甲子也一段傷心者可  
知矣祇奉塵尊韻漏卑臆云

譬諸飛鳥倦知還十七年前出世間故舊今無同甲子  
竹籬茅舍一僧閑

吾山第一座方室老禪翁寓對州西山者年尚矣今  
茲天未之夏俄然化去數月之後聞訃音於商舶之  
便仍唱拙偈助其徒之哀云

黃龍日月盡乾坤赤手挑來叫的孫去向西山掩光看  
閣浮堦卒暗昏昏

哭芥菴雅藏之下世者一篇奉呈其友逸叟祠伯以  
助餘哀云

歸時再會與君期不意訃音添淚而今也叢林凋落日  
惜哉門葉早辭枝

洛之正法開山闍山圓成國師第一十世補天大禪  
佛三周忌之日歸耕堂上老師唱妙偈擬香語謹奉  
步韻尾聊備和篇之員云 昭鑑  
敲破闍山月下門把無孔笛付其孫三年吹裂崑崙耳  
為法恩耶為夙冤

鐵闍宗生居士與予執坡印之交者四十餘年矣吾  
山人戰圖之日西別東離殆向十霜矣頃日逢商船  
之便傳居士之訃嗚呼工部所謂生別成死別者乎  
慟哭之餘綴禪詩一篇宣追悼之義云  
百里遠帆多少難訃音傳得淚蘭干埋殘生死涅槃路  
鴈斷三冬雪一團

一偈以奉獻天翁夏公大禪定門之靈前云  
何圖艸艸赴黃泉遠應佳招此棹船今日別峰相見了  
本來面在未生前

西山老師作偈追悼花翁宗金居士之逝去予時客  
于此鄉豈可默止乎卒奉和高韻以呈靈前云  
萬事傷心為客時悼翁一偈吐新奇赴高麗與赴冥府  
人我同條恨子規

和醴泉師翁送雲岫宗晴信男之津韻

此去全無極樂城西方雲杳任陰晴征衣忽洒黃梅雨  
中有盧能擲石聲

杳

吾山龍洞室中霜花老師翁董對州西山之席者年

尚<sub>子</sub>茲矣今茲庚辰余奉使於朝鮮泊舟於對州則  
師翁遇<sub>十</sub>光祖師瘞履之辰唱報恩一句示余謹奉  
和其韻末以仰祖師之昭鑑且求師翁之慈削云  
君去龍淵海變桑他方諱日供茶湯祖燈續焰僧中月  
西嶺東山同一光

日之先商舶自冷泉來以告菊含妙金禪女之訃音  
吁胡為天早奪此人哉矣遺夫之哭稚子之哀不可  
不助焉漫賦拙偈繫歸帆之翼云

客中萬事揔傷心何矧如今聽訃音鑄錯崑崙那一鐵  
秋風点作菊花金

西山精廬揔門再造之日住持佛作賀頌以見命和

章於鄉中寺院余時客于鄉聊附驥尾云

門對寒流又一新主人和氣四時春泊東吳萬里船看  
下載清風無價珍

九月八日廼小田部紹叱公父子之小祥忌也故折  
菊插瓶舒紙題詩呈副官逸叟禪伯督和篇云

祇緣父子隕生涯天近重陽恨益加記得去年今日事  
借人籬落獻斯花

一偈以獻流芳院殿傑岑宗英居士靈前代諷經云  
不成佛也不生天黃落山川時節緣閻部洲中閑妄想  
卷還混沌未分前

奉和智永公之哀歌聊為淚從云

檯脚踏翻生死路二鐵田外進一步千里烏驢亦難追  
普天率土無住處

不在五湖烟水隈功成名遂向何回波旬拍手純陀泣  
或叫悲哉或快哉

日本朝鮮息戰塵此翁只合上麒麟虛空手動虛空紙  
寫出生前面目真

索訶世界拂袖去去處本無况來處一死再活與他看  
依舊雲霞出海曙

曹洞派下老和尚命丙丁童刹那葬黑漆崑崙掩耳聞  
送津一句高聲唱

抹過盡三千大千再來早晚定驢年威音婁至誰相見

後不後兮先不先

六十餘年一瞬中分離四大本來空老僧苟活所何似  
黃葉吹殘更待風

依西山堂上老師尊韻以獻流芳院殿傑岑宗英居  
士之牌前云

崑崙淚濺又心驚紅槿花西啼鳥聲只以牌中留數字  
流芳百世一佳名

慶讚流芳院殿傑岑宗英居士小祥忌之齋云

說甚麼存亡去來閻浮冥府共塵埃二年盛雪一銀椀  
九月梨花八月梅

罪業娑婆即為消閻王莫道不曾饒紅爐上黑漫々地

白日青天雪一跳 悼雪叟禪人

七十餘年一日榮中心樹上業風生業風生處忽吹倒  
根叫無根枝不萌 悼淨榮禪門

和宿蘆老師感露宿宗花童女七七忌之韻

論什麼同耶別耶閻淨堯卒不曾差試看白露結來處  
霜葉紅於七七花

聞壽水了浙居士訃音說拙偈助二孝兒之餘哀云  
浪花捲雪浙江潮萬斛離愁洗不消擔取這般閑妄想  
烏藤挑月過丹霄 癸卯冬節之後

江月宗見信男小祥忌之日唱拙偈換諷經云  
老僧苟活再生哀添沒後香空撥灰敗壞色身非敗壞

小春又綻去年梅 慶寅小春十又五日

宗觀居士先是寄予以茶盞其中有福字人呼之福  
字茶碗或時点趙州一味或時傾風穴三巡其愛不  
言而可知矣今茲慶寅之秋訃音落耳漫作偈呈靈  
前擬祭之文云

一味三巡幾品評茶盃先是寄殘生出乎爾者返乎爾  
伏以哀哉吁尚亨

宿蘆堂上老師翁書法華提婆品賦尊偈跋軸尾備  
露宿宗華童女靈前以伸筆供養謹磨韻末者二篇  
蓋剛篇感書寫之勞後篇述追悼之懷且助慈父之  
哀云

上味醍醐点甚心這提婆品厥功深猶餘常住世間相  
一曲秋鶯頗好音

花飛葉落未干心八歲春深秋亦深無淚丈夫今有淚  
情鐘夷甫舊知音 慶已中秋前四日

拙偈一篇擬報恩一句以奉督西山堂上長壽院宰

尊和云爾

不成佛也不生天一辦酬恩五十年大地撮來如粟粒  
夢回混沌未分前

善不思兮惡不思生前面目恁麼時沾衣欲濕黃梅雨  
獨許嶺南樵子知 追悼天與宗甫禪人

慶讚歸宗了本信士十七回忌之齋云

諱辰燒盡爛枯柴借手虛空撒嶮崖棒雨觸花連架打  
大悲院裏叫囉齋

此別何人不断腸阿翁昨夜叫還鄉須彌頂上燈王座  
登者誰歟大覺皇 悼覺皇主席示叔云

哭先妣利涉宗川大姊四十年遠忌之辰 壬寅季  
春十又三日

林鳥反哺出家兒四十年来念母慈一隻蒲鞋生兩翼  
和風搭在不萌枝

莫恨恁恁了世緣彭殤共是命懸天斷腸只属崑崙鐵  
露脆芙蓉美少年 悼馬島太守小女早世二首

憂心如醉轉切切一曲挽歌聲已高三歲孩兒道何事

虛空背上去吹毛

綠淨春深時節緣一條活路叫通天歸歎今日見機作

萬岳千峰杜宇前 悼人

生死路頭藏愈彰露堂堂也露堂、本無來處况歸處

六十扶桑三宿桑 迫悼方公藏主喪慈父

昨夜東風心北邙袈裟裹淚九回腸有他一子出家在

日、空添沒後香 感方公藏雪慈父月忌之日、

何物是沉西出東圍、碎亦玉玲瓏請看不屬陰陽底

杪夏春回百日紅 哭玉室玠公首座大連忌之齋

先考前越州太守冬青道樹居士六十年忌之日并

請府中太苾芻眾伸供養之次唱梵偈一篇以擬報

恩那一句云

碩德高僧現飯床吾家豐嶮露堂、無端銀椀盛來看

九月梨花白雪香

遇前柳川野州太守傑岑英公大居士七周忌令嗣

前豐前刺史智永拜請諸大老師大禪佛大禪佛因

齋大慶讚之日贈予以齋供及親金則予亦齋僧之

一員也於此綴一拙偈聊疑飯錢云

孝子心中心字烟阿爺穿鼻未生前虛空濺淚感時去

連日和風雨暗天

感流芳院殿前野州太守傑岑宗英居士七年忌之

辰

滅不滅分生不生閻浮堯卒惹虛名七年夜雨沒交跡  
黃葉青空落地聲

江月道心信男三周忌之日其孝子設齋漫作偈以  
代諷經云

托生日本死朝鮮再回今當何半錢愁殺寒岩春四月  
金山江上白鷗前 慶亥夏之孟十又三

謹塵西山老禪悼偈韻以呈某甲牌前

閻浮界日日輪回三十春花開落纔父母生前本來面  
譬諸蘭帖棗蕪梅

慶讀方公藏主之慈父良德道久禪定門小祥已之齋  
下無地府上天宮漚滅漚生一夢中慈父再來相見麼

閑花又笑去年叢

下無地府上天涯穢土依然留骨骸腸斷前村夜來雪  
涅槃一路不曾埋 悼李譽居士時雪降

祭親如在是斯年兄弟東西夷洛天十七光陰夢中夢  
海棠一睡柳三眠 齋筵即偈

來歲孟秋望日隆尚菴殿尖甫道祥大居士喜公忌  
之辰也預於今茲天正六年戊寅仲冬望日追修冥

福之次造立高顯一基以需銘銘曰  
箇無影樹 不萌為枝 屈蟠三際 覆蔭四維

雨露難濕 霜雪何衰 須彌南畔 名米琉璃  
雲斤月斧 信手剗來 為大居士 作塔一基



團、落、中矩中規 這般樣子 問著阿誰

恁麼時節 無忠國師 杜毘耶曰 束高閣之

會麼威音王以前全無鐵塔出南天見來甘蔗氏方便

誑惑盡三千大千 同

經曰一見率都婆永離三惡道何況造立者必生安

樂國爾來盡大地人每遇父母忌辰必造立率都婆

資助冥福今茲天戍林鐘梅處妙春信女設煖烤法

輪良桂禪定門卅三白忌齋之次造立率都婆一基

求銘銘非予之所能也聊宣一偈擬其銘云爾

說甚父乾而母坤威音那畔昏昏昏阿毘都率揔方便

竺土仙人口禍門

蓋覆東南與北方團、落、沒商量無縫塔子有縫罅

冬後光陰一線長 同

阿婆塔樣碧崔嵬率土普天俱柱來五五圓通門不鑰

降臨豈敢勞敲推 而實妙秀禪尼廿五回忌塔婆

忌辰三十又三周竒菓珍羞不足酬別有孝子惟孝處

木人反哺土饅頭 三迂妙隣禪尼三十三年忌塔婆

真甫宗如居士二十五年忌率兜婆

忌辰五五夢驚回造立塔婆酬父來掩耳能聞木人說

天堂地獄共塵埃

宗共居士大祥忌之日書寫法華經王一部以求銘

銘曰

世雄古佛 出興竺乾 孽拭不淨 吾祖師禪  
而今滅後 二千餘年 咄管城子 劍去刻船  
名渠所說 謂之真詮 黃卷赤軸 遍滿大千  
備其一數 這妙法蓮 讀誦書寫 惑亂人天  
本來大道 教外別傳 威音那畔 空劫以前  
白的的地 明歷々然 元了々了 又玄玄玄  
立何文字 無義可宣宣 天正第三乙亥小春廿七日  
夫般若者法門棟梁臨濟喝得是曰金剛德山燒處彌  
發清光此經膳寫以獻北堂因筆供養直至西方牛頭  
獄卒馮面阿旁藏身潛跡碎肝裂腸酬恩罔極必有吉  
祥大衆歡喜信受奉行 金剛經銘

硯元巨海紙虛空了畢將來書寫功忽變醍醐成毒藥  
依然乞命黑頭公 法華經銘  
禍始靈山老釋迦五時教萬別千差却嘲饒舌管城子  
一曲黃鸞妙法華 同  
漸寫法花供影堂世尊滅後有餘殃如何食肉管城子  
上味醍醐雪上霜 同  
傑岑宗英居士大祥忌之日頓寫遵經全部六萬九  
千三百八十四字酬罔極恩仍求銘於予作偈代銘  
書以應焉  
追修真福又三年頓寫酬恩妙法蓮上味醍醐添得喫  
飽霜秋兔腹便便

古來禍始老奢迦頓寫漸書煩六和百億須彌一枝筆  
刹那花綻妙芬陀  
般若之體老蚌珠回般若之用大兔懷胎離却體用道  
一句來天華亂墜作下界埃  
無說無聞是真般若還會真般若麼 露 東谷月生咸  
池日落 金剛經銘  
金剛般若體用如何懷胎有兔蚌含素娥  
刹說衆生說三世一切說空生尊者為甚麼道無說 唵  
山色清淨身溪聲廣長舌  
空生岩畔天華娑娑讚嘆有分大笑呵呵  
說虛為實古來今亂墜空華無處尋岩畔空生深吐口

風松雨竹是知音

金剛經銘

共五首

柳川豐前司平智永今茲慶長辛亥九月晦日迺  
是先妣野州太守傑岑宗英居士第七周忌之辰也  
預於八月十又九日莊嚴私第敷辰梵筵陳列衆味  
先庚三日拜屈四來佳衲子漸寫諸經諸咒以伸供  
養其作善品目詳于僧官回向今日當散筵拜請國  
分堂上及諸大老師大和尚之次頓寫妙芬陀刹筆  
經以伸筆供養且命銘於以酌卷主前南禪玄蘓檀  
命難拒信口乱道云  
大衆還看麼頓寫底 漸 梅早而白漸寫底 漸 杏晚  
而紅若又要織紅白一致底請其問諸黑頭公

狗尾續貂者一篇備宿蘆翁一覽  
無位真人乾屎橛上堂誰鼓爾邊皮虛空落地驚回夢  
世界壞時逢著伊毒藥托方禪木艸油麻種石我宗枝  
光明放出脚跟下一點心燈閉口吹  
仙巢稿卷之中終

